



SCOLA DA MATURITAD GIMNASIALA

L'entrada en il gimnasi succeda suenter la 6avela classa primara en ina scola da maturitad gimnasiala che dura 6 onns (gimnasi da lunga durada) u suenter il segund u terz onn da scola da la scola secundara en il gimnasi che dura 4 onns. Scolas e scolaras ston far in examen d'admissiun.

12avel onn da scola	roms fundamentals	1 rom d' accent	1 rom cum-plementar	Lavor da maturitad	6. classa
11avel onn da scola					5. classa
10avel onn da scola					4. classa
9avel onn da scola	pro-gimnasi				3. classa
8avel onn da scola					2. classa
7avel onn da scola					1. classa

Quest fegl d'infurmaziun descriva il gimnasi da 4 onns.

Roms

Ils roms fundamentals, in rom d'accent ed in rom cumplementar e la lavor da maturitad furman ils roms da maturitad. Tut las scolaras e tut ils scolaras vegnan instruids en ils roms fundamentals. A partir da la 10. classa visitan els il rom d'accent ed a partir da la 11. classa il rom cumplementar.

Roms fundamentals

- emprima lingua tudestg, talian u rumantsch
- segunda lingua naziunala talian, tudestg, rumantsch u franzos
- terza lingua englais
- matematica matematica
- scienza natirala biologia, chemia, fisica
- ciencias umanas e sociologia geografia, istorgia (incl. instrucziun civica), introducziun en economia e dretg
- art e sport furmaziun creativa, musica, gimnastica e sport

En il gimnasi da lunga durada è il rom latin in ulteriur rom da promoziun.

Ils blets gimnasis grischuns porschan en las linguas chantunales curs da la maturitad bilingua renconuschi da la Confederaziun. Scolas medias privatas dal chantun Grischun porschan la cumbinaziun tudestg-englais. Ultra da quai vegnan tscherchs roms instrui biling. Empè da la maturitad bilingua ni sco supplement latiers pon scolaras e scolaras frequentar dus roms che vegnan instrui a moda immersiva (bilingua).

Scolas medias	Maturitad
Academia Engiadina, Samedan www.academia-engiadina.ch	<ul style="list-style-type: none"> tudestg maturitad bilingua grischuna maturità bilingue grigionese prolungaziun da la scolaziun per in onn per sportists da prestaziun e musicists
Scola chantunala grischuna www.bks.gr.ch	<ul style="list-style-type: none"> tudestg rumantsch – tudestg* italiano – tedesco* talian – tudestg* <p>*scolaziun da maturitad bilingua renconuschida tenor las perscripziuns da la Cumissiun da maturitad svizra</p>
Scola media evangelica Aschera (SME) www.ems-schiers.ch	<ul style="list-style-type: none"> tudestg tudestg – anglais gimnasi da musica
Scola claustrala Mustér www.gymnasium-disentis.ch	<ul style="list-style-type: none"> tudestg maturitad bilingua grischuna
Institut autalpin Ftan www.hif.ch	<ul style="list-style-type: none"> tudestg maturitad bilingua grischuna tudestg – anglais
Lyceum Alpinum Zuoz www.lyceum-alpinum.ch	<ul style="list-style-type: none"> tudestg maturitad bilingua grischuna maturità bilingue grigionese tudestg – anglais
Scola media svizra alpina, Tavau www.samd.ch	<ul style="list-style-type: none"> tudestg tudestg – anglais
Gimnasi svizzer da sport, Tavau www.sportgymnasium.ch	<ul style="list-style-type: none"> tudestg prolungaziun da la scolaziun per in onn per sportists da prestaziun (durada da la scolaziun: 5 onns)

Roms d'accent

- talian
- rumantsch
- franzos
- spagnol
- grec
- latin
- fisica e applicaziuns en la matematica
- biologia e chemia
- economia e dretg
- filosofia/pedagogia/psicologia
- furmaziun creativa
- musica

Da la purschida dals roms d'accent po vegnir elegi mo in sulet. Ina lingua ch'è gia vegnida elegida sco rom fundamental, na po betg vegnir elegi sco rom d'accent.

Roms complementars

- applicaziuns en la matematica
- furmaziun creativa
- biologia
- chemia
- geografia
- istorgia
- informatica
- musica
- pedagogia / psicologia
- filosofia
- fisica
- economia e dretg
- religiun
- sport

Da la schelta dals roms complementars pon ins eleger mo in sulet. In rom ch'è gia vegnì elegì sco rom d'accent, na po betg vegnir elegì sco rom complementar. Sch'ins ha gia elegì musica u art sco rom d'accent na pon ins betg sa decider per musica, art u sport sco rom complementar. Linguas na fan betg part dals roms complementars.

La purschida dals roms d'accent e dals roms complementars sa differenzieschan tut tenor scola media. Infurmaziuns latiers pon vegnir retratgas directamain da las scolas medias.

Admissiun

Per l'admissiun a las scolas da maturitad gimnasiala dal chantun Grischun sto vegnir dumagnà in examen d'admissiun chantunal unitar ad ina scola media grischuna. L'examen d'admissiun chantunal è reussi sche la media da l'examen cuntanscha la valur 4.5 e sche las divergenzas da las notas dals roms d'examen vers engiu cun la nota 4.0 n'importan betg dapli che 0.75 puncts. Examinads vegnan ils suandants roms: emprima lingua (tudestg, rumantsch u talian), anglais, aritmetica, algebra e geometria. Ils examens pon vegnir absolvids en la 2. u en la 3. classa da la scola superiura. In'admissiun a l'examen d'admissiun chantunal è pussaivla fin e cun quel onn chalendar, en il qual la candidata u il candidat daventa maioren.

Per las candidatas ed ils candidats da la 2. classa secundara quinta la nota d'admissiun sco ulteriura nota da rom. Quella vegn calculada ord la media da las notas dals roms geografia, istorgia, natira e tecnica, art figurativ, musica, moviment e sport e segunda lingua dal emprim semester da la 2. classa secundara.

S'inscriver per ils examens d'admissiun pon ins sut il suandant link: www.zap.gr.ch. Ulteriuras infurmaziuns davart l'examen d'admissiun sa chattan sin la pagina d'internet da l'Uffizi per la furmaziun media-superiura (www.ahb.gr.ch).

Pussaivladads da sa furmar enavant

La maturitad gimnasiala pussibilitescha in access a las universitads, a las scolas politecnicas federalas (SPF/ETH) sco er a las scolas autas da pedagogia. S'enter in ulteriur onn da pratica stat per regla er liber l'access a las scolas autas spezialisadas.

Midada en la scola media commerciala, d'informatica u spezialisada

Las scolas medias pon admetter sin il cumenzament da l'onni da scola scolaras e scolaras ad ina partiziun da scola media senza ch'els fetschian in examen d'admissiun chantunal. Las cundiziuns d'admissiun per quest intent vegnan regladas en l'ordinaziun davart la procedura d'admissiun a las scolas medias (vesair www.ahb.gr.ch).

► Ulteriuras infurmaziuns

e sustegn obtegnais Vus en il BIZ. L'adressa dal BIZ en Vossa vischinanza chattais Vus sut:

www.berufsbildung.gr.ch → Sur da nus → Lieu ed adressa → Cussegliaziun da professiun, da studi e da carriera, mail: biz@afb.gr.ch

Funtaunas: www.academia-engiadina.ch, www.ahb.gr.ch, www.ems-schiers.ch, www.bks.gr.ch, www.gymnasium-disentis.ch, www.hif.ch, www.lyceum-alpinum.ch, www.samd.ch, www.sportgymnasium.ch